



**Claudii Fleurii Abbatis Historia Ecclesiastica**

Ab anno Christi 1415. usque ad annum 1431

**Fleury, Claude**

**August. Vind. [u.a.], 1768**

**VD18 90118294**

§. 94. Res Anglorum inclinatæ.

---

[urn:nbn:de:hbz:466:1-66272](#)

Sæcul. XV. missionem, ejusque gesta in quodam suo  
A. C. 1421. tractatu vindicavit. Guilielmus Flavia-

censis oppidi Compendii Præfectus, cu-  
jus proditione Anglis vendita creditur,  
ab uxore sua noctu in lecto suffocatus est;  
Calixtus III. Pontifex die septima Julii  
Anno millesimo quadringentesimo quin-  
quagesimo sexto per Commissarios a se  
speciatim deputatos, facta sententiæ in  
eam latæ recognitione declaravit, *dicitos Processus, & sententias dolum, & calum-  
niam, jurisque & facti errorem continen-  
tes nullas esse*, ejusque Innocentiam testa-  
tam fecit, ac nomen ab omni macula, ac  
infamia purgavit, declarans, illam pro Re-  
ligione, Rege, ac Patria mortem oppe-  
tiisse. Quorundam Historicorum fide  
constat, Petrum Cauchonium Bellova-  
censem Episcopum, qui Virginem brachio  
sæculari tradidit, a Pontifice excommu-  
nicatione fuisse perculsum, sed eundem  
tempore Callixti III. jam fatis functum  
fuisse verisimile est. Id tamen omnino  
certum, miserrime eum periisse, dum ei  
barba tonderetur. Cernitur adhuc no-  
stro tempore Rothomagi in loco, ubi hæc  
Virgo combusta fuit, crux ibidem erecta.

## §. XCIV.

*Anglorum res in pejus versæ.*

**E**x quo Puella ultimo suppicio sublata  
fuerat, Anglorum res identidem in  
pejus

pejus versæ sunt. Pellebantur Montar-Sæcul. XV.  
gio, quod antea proditione cujusdam A.C. 1431.  
puellæ, quæ Præfecti tonsorem deperi-  
bat, ex insidiis occuparunt; Rediit etiam  
Carnutensis civitas in Gallorum potesta-  
tem, & quidem arte cujusdam aurigæ,  
qui merces in urbem vehebat; ubi Epis-  
copus Joannes de Fitigny, Burgundiæ  
Duci summopere addictus, arma mani-  
bus suis tenens in gradibus Ecclesiæ Ca-  
thedralis necatus est.

## §. XCV.

*Henricus VI. Parisiis Rex Galliæ  
coronatus.*

Interea Angli existimantes, quod ex a-  
dolescentis Regis sui præsentia sociis  
novi accederent animi, eundem Lute-  
tiam Parisiorum advocant, illumque die  
vigesima septima Novembris hujus anni  
in Ecclesia majori B. Virginis Regem  
Francorum coronant; ut vero Burgun-  
diæ Ducem, qui jamjam cum Gallis fœ-  
dus inire meditabatur, suis quoque par-  
tibus addictum conservarent, eidem Co-  
mitatum Campaniæ & Briæ donatio-  
nem confirmant.

## §. XCVI.